



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-21084/24
Sarajevo, 06.06.2024. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnice Memić Arijane, dostavlja se;

VEZA: Vaš akt broj: 01-04-25816-25/24 od 25.04.2024. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničku inicijativu, koju je u okviru 15. radne sjednice Skupštine Kantona Sarajevo uputila zastupnica Memić Arijana, a koja je glasila „Inicijativa da se izvrši izmjena Pravilnika o radu policijskih službenika Kantona Sarajevo u smislu da se boravak policijskim službenicima za vrijeme trajanja radnog vremena i izvan radnog vremena ukoliko su u datom trenutku uniformisani u ugostiteljskim objektima uključujući one koji su dio benzinskih pumpi, izričito dozvoli samo po službenoj dužnosti kada je njihovo prisustvo potrebno. Da se formira radno tijelo koje će u dogovoru sa nadležnim ministarstvima i projektnim radnim gurpama zaduženim na planovima izgradnje nove centralne zgrade Ministarstva unutrašnjih poslova Kantona Sarajevo, adaptacije PU Novo Sarajevo, PU Ilidža, PU Stari Grad i PU Trnovo analizirati da li je moguće adaptirati planove, te koji bi bili jednokratni, a koji bi bili tekući troškovi projektovanja i izgradnje kantina u pomenutim policijskim upravama odnosno centralne menze u centralnoj zgradi Ministarstva unutrašnjih poslova Kantona Sarajevo u kojoj bi bila omogućena zdrava i pristupačna konzumacija hladnih i toplih obroka za policijske službenike i uposlenika Ministarstva unutrašnjih poslova Kantona Sarajevo. Da se formira radno tijelo koje će analizirati zakonsku i praktičnu mogućnost konzumacije toplog obroka pomoću sistema vaučera, moguće vrijednosti i finansiranje vaučera namjenjenog za korištenje policijskim službenicima kada se nalaze na terenu i kada je opravdano nemoguće doći do predviđenih kantina ili menze da pristupe konzumaciji toplog obroka. Vaučeri bi imali određenu vrijednost i mogli bi biti korišteni samo u prethodno odabranim i označenim objektima koji isključivo služe hranu“.

Odgovor:

„Ministarstvo unutrašnjih poslova Kantona Sarajevo je u procesu pribavljanja investiciono-tehničke dokumentacije za objekat izgradnja Centralnog objekta Ministarstva u ulici Kolodvorska, a što podrazumjeva i sačinjavanje idejnog i izvedbenog projekta gdje Ministarstvo svakako stoji na stajalištu da u istima treba da bude planiran restoran koji bi omogućio policijskim službenicima i uposlenicima Ministarstva unutrašnjih poslova Kantona Sarajevo kao opcijalno rješenje da iskoriste svoje zakonom propisano pravo pauze u toku radnog vremena.

Radno-pravni status policijskih službenika reguliše se u skladu sa odredbama Zakona o policijskim službenicima Kantona Sarajevo („Službene novine Kantona Sarajevo“, br. 38/18, 26/19 i 39/20), te se Zakon o radu Federacije BiH, ostali zakoni i podzakonski akti i kolektivni ugovori u kojima se uređuju prava i obaveze iz radnih odnosa primjenjuju na policijske službenike ukoliko nije drugačije



određeno ovim Zakonom. U članu 3. stav (3) Kolektivnog ugovora između Vlade Kantona Sarajevo i Sindikata policije Kantona Sarajevo („Službene novine Kantona Sarajevo“, br. 4/24) propisano je da ako je neko pravo različito uređeno odredbama važećeg Zakona o radu ili drugim propisima koji definišu radnopravne odnose, ovim ili drugim kolektivnim ugovorom, ugovorom o radu ili drugim pojedinačnim aktima za uposlenike se primjenjuje najpovoljnije pravo. Policijski službenici imaju pravno na naknadu za ishranu u toku rada (topli obrok) u iznosu 1% prosječne neto plate u Federaciji BiH prema posljednjem objavljenom mjesečnom statističkom podatku, te pored navedene naknade policijski službenici raspoređeni u Sektoru za policijsku podršku i organizacione jedinice u sastavu istog, imaju pravo na naknadu za pojačanu ishranu u toku rada u iznosu od dodatnih 1% prosječne neto plate u Federaciji BiH prema posljednjem objavljenom mjesečnom statističkom podatku. Članom 94. stav (1) tačka b) Zakona o policijskim službenicima Kantona Sarajevo („Službene novine Kantona Sarajevo“, br. 38/18, 26/19 i 39/20), koji se primjenjuje shodno članu 133. stav (2) Zakona o policijskim službenicima Kantona Sarajevo Sarajevo („Službene novine Kantona Sarajevo“, br. 38/18, 26/19 i 39/20) policijskim službenicima je propisano pravo na naknadu za topli obrok. Iz navedene zakonske odredbe proizilazi da je obaveza poslodavca da vrši isplatu naknade za topli obrok, te nije propisana mogućnost da Uprava policije Ministarstva unutrašnjih poslova Kantona Sarajevo osigura ishranu u toku radnog vremena na drugačiji način. Policijski službenici koji rade puno dnevno radno vrijeme tokom svakog radnog dana imaju pravo na odmor u toku rada u trajanju od 30 minuta, a oni koji rade u turnusima po 12 sati dnevno imaju pravo na odmor u toku rada u trajanju od 45 minuta, a koji mogu koristiti u dva dijela od kojih je jedan 30, a drugi 15 minuta, ukoliko priroda posla to dozvoljava. Odmor u toku rada ne ulazi u radno vrijeme. Mjesto korištenja odmora u toku radnog dana niti bilo koja druga ograničenja vezano za način korištenja odmora nisu propisana kao što navedeno nije propisano ni za druge kategorije uposlenika koji su budžetski korisnici u Kantonu Sarajevo niti takva ograničenja postoje za policijske službenike na federalnom i državnom nivou. Bilo kakva ograničenja koja bi se eventualno propisala u pogledu ograničavanja prava kretanja i boravka prilikom korištenja odmora u toku rada od strane policijskih službenika bi predstavljala direktnu diskriminaciju istih u odnosu na sve druge kategorije uposlenika-budžetskih korisnika. Policijski službenici u izvršavanju službene dužnosti dužni su da održavaju visok standard ponašanja tokom i van radnog vremena i da svojim ponašanjem ne narušavaju ugled Uprave policije. Bilo kakvo postupanje suprotno pravilima službe za posljedicu ima provođenje postupaka utvđivanja disciplinske odgovornosti, a što obuhvata i eventualno samovoljno napuštanje dužnosti u toku radnog vremena, te je obaveza rukovodilaca da u okviru svojih dužnosti i ovlaštenja konstatno kontrolišu izvršavanje poslova i zadataka policijskih službenika kojima rukovodi.

S poštovanjem,

Prilog:

1. Akt Uprave policije, Ministarstva unutrašnjih poslova Kantona Sarajevo broj:01/3-40/24 od 15.05.2024. godine;
2. Akt Sindikata policije Kantona Sarajevo Broj:SPKS-147/24 od 28.05.2024. godine;
3. CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba



20-05-2024

380

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

01-9
✍

17-05-2024

1505.

Broj: 02/5-1-04 - 559
Dana: 15.05.2024. god.

MUP KANTONA SARAJEVO
-n/r ministra-

PREDMET: Odgovor na poslaničku inicijativu, dostavlja se,-

Veza: Vaš akt broj: 01-9-02-2-21084/24 od 06.05.2024. godine

Aktom, broj i datum veze, dostavljen je akt Skupštine Kantona Sarajevo broj 01-04-25816-25/24 od 25.04.2024.godine i poslanička inicijativa zastupnice Arijane Memić koja je upućena na 15. radnoj sjednici Skupštine Kantona Sarajevo održanoj dana 24.04.2024.godine i to:

“Podnosim inicijativu da se izvrši izmjena Zakona o radu, tj. Pravilnik o radu policijskih službenika KS, u smislu da se boravak policijskim službenicima za vrijeme trajanja radnog vremena, ali u svakom slučaju i izvan radnog vremena ukoliko su u datom trenutku uniformisani, boravak u ugostiteljskim objektima, uključujući one koji su dio benzinskih pumpi, izričito dozvoli samo po službenoj dužnosti, kada je njihovo prisustvo potrebno.

S tim u vezi da se formira radno tijelo koje će u dogovoru sa nadležnim ministarstvima i projektnim radnim grupama zaduženim na planovima izgradnje nove centralne zgrade MUP- a KS i adaptacije PU Novo Sarajevo, PU Novi Grad, PU Ilidža, PU Stari grad i PU Trnovo, analizirati da lije moguće adaptirati planove, te koji bi bili jednokratni, a koji tekući troškovi projektovanja i izgradnje kantina u pomenutim policijskim upravama odnosno centralne menze u centralnoj zgradi MUP-a KS, u kojoj bi bila omogućena zdrava i pristupačna konzumacija hladnih i toplih obroka za policijske službenike i uposlenike MUP-a KS.

S tim u vezi, da se ispituju prednosti i rizici.

Ukoliko se ustanovi daje gore pomenuto moguće realizovati i da bi učinci bili pozitivni, predlažem izgradnju kantina u pomenutim PU i menze u centralnoj zgradi MUP-a KS.

Predlažem da se formira radno tijelo koje će analizirati zakonsku i praktičnu mogućnost, prednosti i mane, konzumacije toplog obroka pomoću sistema vaučera, moguće vrijednosti i moguće finansiranje vaučera, namjenjenog za korištenje policijskim službenicima kada se nalaze na terenu i kada im je opravdano nemoguće doći do predviđenih kantina ili menze da pristupe konzumaciji toplog obroka. Vaučeri bi npr. imali određenu vrijednost i mogli bi biti korišteni samo u prethodno odabranim i označenim objektima koji isključivo služe hranu, a spisak tih objekata bi bio javno dostupan na internet stranici MUP-a KS.

Obrazloženje:

Smatram da ćemo ovakvim pristupom ne samo poboljšati sliku o policijskim službenicima i Upravi policije među građanima, već i osigurati da svi policijski službenici svoje radno vrijeme zaista provode u službi, te se približiti standardima koji već važe u zemljama Europske unije.

Nedavno sam postavila pitanje ministru unutrašnjih poslova KS vezano za planove gradnje centralne zgrade MUP-a i adaptacije nekoliko PU na području Kantona, pa mi je u svom odgovoru rekao da mu se ta ideja čini dobrom, što mi je drago. Nadam se da ćemo naći načina da projekte adaptiramo na način da se ta ideja ostvari, na način koji će najbolje služiti svrsi. Kao i svi građani, želim da imamo funkcionalnu i zadovoljnu policiju, koja radi svoj posao najbolje što zna. Primjetno je daje nekoliko projekata planirano, koji će sigurno poboljšati uslove rada.

Također je, međutim, primjetno da još uvijek nažalost veliki broj policijskih službenika ne shvata da je slika policijskog službenika, pogotovo uniformisanog, u kafani, kafiću ili kladionici, a što je već dugo građanima poznat problem, itekako nespojiva sa dužnostima i ne podstiče, već urušava profesionalni i svaki drugi ugled Uprave policije.

Članom 41. tačka 2, zakona o policijskim službenicima definirano je da će policijski službenik izbjegavati aktivnosti koje su nespojive sa dužnostima, a Član 6. Policijskog etičkog kodeksa nalaže da se ponašaju na način koji podstiče i povećava profesionalni i svaki drugi ugled Uprave policije.

Zato danas upućujem inicijativu da se izvrši izmjena Zakona o radu tj. Pravilnika o radu policijskih službenika KS, u smislu da se boravak policijskim službenicima za vrijeme trajanja radnog vremena, ali u svakom slučaju ako su u datom trenutku uniformisani, boravak u ugostiteljskim objektima, uključujući one koji se nalaze u sklopu benzinskih pumpi, zabrani, odnosno dozvoli samo i striktno po službenoj dužnosti.

U sklopu ove inicijative predlažem i izgradnju centralne menze u sklopu nove centralne zgrade MUP-a, te kantina u Policijskim upravama gdje su već predviđeni određeni radovi i dodatno inicijativu za uvođenje sistema vaučera za konzumaciju u prethodno odabranim i označenim objektima u kojima se služi isključivo hrana, za policijske službenike kada su na terenu.”

U vezi sa navedenom poslaničkom inicijativom dostavljamo sljedeći odgovor:

- radno-pravni status policijskih službenika reguliše se u skladu sa odredbama Zakona o policijskim službenicima Kantona Sarajevo (“Službene novine Kantona Sarajevo”, br. 38/18, 26/19 i 39/20), te se Zakon o radu Federacije Bosne i Hercegovine, ostali zakoni, podzakonski akti i kolektivni ugovori u kojima se uređuju prava i obaveze iz radnih odnosa primjenjuju na policijske službenike ukoliko nije drugačije određeno ovim zakonom.

U članu 3. stav (3) Kolektivnog ugovora između Vlade Kantona Sarajevo i Sindikata policije Kantona Sarajevo (“Službene novine Kantona Sarajevo”, broj: 4/24), je propisano ako je neko pravo iz radnog odnosa različito uređeno odredbama važećeg Zakona o radu ili drugim propisima koji definišu radnopravne odnose, ovim ili drugim kolektivnim ugovorom, ugovorom o radu ili drugim pojedinačnim aktima, za zaposlenike se primjenjuje najpovoljnije pravo.

Policijski službenici imaju pravo na naknadu za ishranu u toku rada (topli obrok) u iznosu 1% prosječne neto plate u Federaciji BiH prema posljednjem objavljenom mjesečnom statističkom podatku, te pored navedene naknade policijski službenici raspoređeni u Sektoru za policijsku podršku i organizacione jedinice u sastavu istog, imaju pravo na naknadu za pojačanu ishranu u toku rada u iznosu od dodatnih 1% prosječne neto plate u Federaciji BiH prema posljednjem objavljenom mjesečnom statističkom podatku.

Članom 94. stav (1) tačka b) Zakona o policijskim službenicima Kantona Sarajevo (“Službene novine Kantona Sarajevo”, br. 25/06 i 4/08), koji se primjenjuje shodno članu 133. stav (2) Zakona o policijskim službenicima Kantona Sarajevo (“Službene novine Kantona Sarajevo”, br. 38/18, 26/19 i 39/20) policijskim službenicima je propisano pravo na naknadu za topli obrok. Iz navedene zakonske odredbe proizilazi da je obaveza poslodavca da vrši isplatu naknade za topli obrok, te nije

propisana mogućnost da Uprava policije Ministarstva unutrašnjih poslova Kantona Sarajevo osigura ishranu u toku radnog vremena na drugačiji način, odnosno na način kako se predlaže u dostavljenoj inicijativi.

Nadalje, policijski službenici koji rade puno dnevno radno vrijeme tokom svakog radnog dana imaju pravo na odmor u toku rada u trajanju od 30 minuta, a oni koji rade u turnusima po 12 sati dnevno u toku radnog dana imaju pravo na odmor u toku rada u trajanju od 45 minuta, a koji mogu koristiti u dva dijela od kojih je jedan 30, a drugi 15 minuta, ukoliko priroda posla to dozvoljava. Odmor u toku rada ne ulazi u radno vrijeme. Mjesto korištenja odmora u toku rada niti bilo koja druga ograničenja vezano za način korištenja odmora nisu propisana, kao što navedeno nije propisano ni za druge kategorije uposlenika koji su budžetski korisnici u Kantonu Sarajevo, niti takva ograničenja postoje za policijske službenike na federalnom i državnom nivou. Bilo kakva ograničenja koja bi se eventualno propisala u pogledu ograničavanja prava kretanja i boravka prilikom korištenja odmora u toku rada od strane policijskih službenika bi predstavljalo direktnu diskriminaciju istih u odnosu na sve druge kategorije uposlenika - budžetskih korisnika i dovelo bi do nejednakog postupanja prema određenoj kategoriji uposlenika u odnosu na druge.

Naglašavamo da su policijski službenici u izvršavanju službene dužnosti, dužni da održavaju visok standard ponašanja tokom i van radnog vremena i da svojim ponašanjem ne narušavaju ugled Uprave policije. Bilo kakvo postupanje suprotno pravilima službe za posljedicu ima provođenje postupaka utvrđivanja disciplinske odgovornosti, a što obuhvata i eventualno samovoljno napuštanje dužnosti u toku radnog vremena i sl., te je obaveza rukovodilaca da u okviru svojih dužnosti i ovlaštenja konstantno kontrolišu izvršavanje poslova i zadataka policijskih službenika kojima rukovodi.

Shodno navedenom, naročito imajući u vidu naprijed navedene zakonske odredbe, Uprava policije Ministarstva unutrašnjih poslova Kantona Sarajevo nije u mogućnosti postupiti po dostavljenoj inicijativi obzirom da bi se takvim postupanjem uveli instituti koji su diskriminatorni za pojedinu kategoriju uposlenika u odnosu na ostale uposlenike.

S poštovanjem,



POLICIJSKI KOMESAR
Generalni inspektor policije

Fatmir Hajdarević



SINDIKAT POLICIJE KANTONA SARAJEVO
TRADE UNION OF POLICE CANTON SARAJEVO

La Benevolencije broj 16, 71000 Sarajevo, BiH,
Telefoni; Predsjednik 062/358-359, Sekretar 061/333-130,
E-mail: sindikatspolicijski@gmail.com Web: <http://www.sindikatspolicijski.co.ba/>
Žiro račun broj 3389002206056557 Unicreditbank Sarajevo
ID broj 4200318910000



29-05-2024
408

Broj: SPKS-147/24

Datum: 28.05.2024. godine

MUP KANTONA SARAJEVO

- n/r gosp. Kršlak Tarika - sekretara

29-05-2024

01-9-02-2-21084

PREDMET: Zastupnička inicijativa, **odgovor, dostavljamo:-**

VEZA: Vaš akt broj: 01-9-02-2-21084/24 od 10.05.2024. godine

U vezi akta, broj i datum veze, koji se odnosi na odgovor Sindikata policije Kantona Sarajevo na pokrenutu zastupničku inicijativu samostalne zastupnice Arijane Memić, a koja je dostavljena Ministarstvu unutrašnjih poslova Kantona Sarajevo, Sindikat policije Kantona Sarajevo, dostavlja odgovor, i to;

- Policijski službenici su profesionalna lica i isti su u izvršavanju službene dužnosti, dužni da održavaju visok standard ponašanja tokom i van radnog vremena i da svojim ponašanjem ne narušavaju ugled Uprave policije MUP-a Kantona Sarajevo. Postupanje suprotno pravilima službe za posljedicu ima provođenje postupak utvrđivanja disciplinske odgovornosti, a što obuhvata i eventualno samovoljno napuštanje dužnosti u toku radnog vremena i sl., te je obaveza rukovodioca da u okviru svojih dužnosti i ovlaštenja konstantno kontrolišu izvršavanje poslova i zadataka policijskih službenika kojima rukovodi.
- Radno-pravni status policijskih službenika regulisan je u skladu sa odredbama Zakona o policijskim službenicima Kantona Sarajevo, Zakonom o radu Federacije Bosne i Hercegovine, te ostalim zakonima, podzakonskim aktima i Kolektivnim ugovorom između Vlade Kantona Sarajevo i Sindikata policije Kantona Sarajevo, kojima se uređuju prava i obaveze iz radnih odnosa, te primjenjuju na policijske službenika ukoliko nije drugačije određeno zakonom.
- Članom 3. stav (3) (Predmet Kolektivnog ugovora i primjena najpovoljnijeg prava), Kolektivnog ugovora između Vlade Kantona Sarajevo i Sindikata policije Kantona Sarajevo, propisano je: "Ako je neko pravo iz radnog odnosa različito uređeno odredbama važećeg Zakona o radu ili drugim propisima koji definišu radnopravne odnose, ovim ili drugim kolektivnim ugovorom, ugovorom o radu ili drugim pojedinačnim aktima, za uposlenike se primjenjuje najpovoljnije pravo".
- Članom 43. stav (1) (Naknada za ishranu tokom rada i naknada za pojačanu ishranu), Kolektivnog ugovora između Vlade Kantona Sarajevo i Sindikata policije Kantona Sarajevo, propisano je: "Uposlenik ima pravo na naknadu za ishranu u toku rada (topli obrok) u iznosu 1% prosječne neto plate u Federaciji prema posljednjem objavljenom mjesečnom statističkom podatku", i stavom (2) "Pored naknade iz stava (1) ovog člana, policijski službenici raspoređeni u Sektor za policijsku podršku i organizacione jedinice u sastavu istog, imaju pravo na naknadu za pojačanu ishranu u toku rada u iznosu od dodatnih 1% prosječne neto plate u Federaciji prema posljednjem objavljenom statističkom podatku".

- Članom 13. (Odmor u toku rada, dnevni i sedmični odmor)), Kolektivnog ugovora između Vlade Kantona Sarajevo i Sindikata policije Kantona Sarajevo, propisano je:
 - u stavu (1) "Uposlenik koji radi puno dnevno radno vrijeme tokom svakog radnog dana ima pravo na odmor u toku rada u trajanju od 30 minuta".
 - u stavu (2) "Uposlenik koji radi u turnusima po 12 sati dnevno u toku radnog dana ima pravo na odmor u toku rada u trajanju od 45 minuta, a koji može koristiti u dva dijela od kojih je jedan 30, a drugi 15 minuta, ukoliko priroda posla to dozvoljava".
 - u stavu (3) "Odmor u toku rada ne ulazi u radno vrijeme".

- Članom 94. stav (1) tačka b) Zakona o policijskim službenicima Kantona Sarajevo, a koji se primjenjuje shodno članu 133. stav (2) Zakona o policijskim službenicima Kantona Sarajevo, policijskim službenicima propisano je pravo na naknadu za topli obrok. Iz navedene zakonske odredbe proizilazi da je obaveza poslodavca da vrši isplatu naknade za topli obrok, te nije propisana mogućnost da Uprava policije Ministarstva unutrašnjih poslova Kantona Sarajevo osigura ishranu u toku radnog vremena na drugačiji način, odnosno na način kako je to predloženo zastupničkom inicijativom.

Mjesto korištenja odmora u toku rada niti bilo koja druga ograničenja vezana za način korištenja odmora nisu propisana, kao i za druge kategorije uposlenika budžetskih korisnika Kantona Sarajevo, niti takva ograničenja postoje za policijske službenike na federalnom i državnom nivou. Bilo kakva ograničenja koja bi se eventualno propisala u pogledu ograničavanja prava kretanja i boravka prilikom korištenja odmora/pauze u toku rada policijskog službenika predstavljalo bi direktnu diskriminaciju istih u odnosu na sve druge kategorije uposlenika, budžetskih korisnika Kantona Sarajevo i dovelo bi do nejednakog postupanja prema određenoj kategoriji uposlenika u odnosu na druge.

U vezi, sa svim navedenim, a posebno imajući u vidu naprijed navedene odredbe zakona i kolektivnog ugovora, kao i činjenicu da policijski službenici službu obavljaju na terenu, pauzu je neophodno koristiti na području na kojem obavljaju službu, kako bi i na taj način što prije mogli reagovati na eventualne potrebe građana, a i samim napuštanjem područja na kojem obavlja službu predstavljalo bi povredu službene dužnosti.

Sindikat policije Kantona Sarajevo, ne slaže se sa pokrenutom zastupničkom inicijativom, štiti stečena prava uposlenika propisanih zakonom i kolektivnim ugovorima, te je mišljenja da bi svaka izmjena korištenja stečenih prava vodila ka pogoršanju radno-pravnog statusa uposlenika.

S poštovanjem,



PREDSJEDNIK UO SPKS

Sajm